

一千八百七十九年至一千九百廿九年

聖約翰大學五十年史略

一千八百七十九年至一千九百廿九年

聖約翰大學五十年史略

廣
告



CANADIAN PACIFIC

To Ensure the Acme of Service and Speed
make your next trip on a
GIANT WHITE EMPRESS

The Largest and Fastest
Liners on the Pacific

Effective with the
EMPRESS OF CANADA
and
EMPRESS OF JAPAN
1930 Schedule

ONLY 12 DAYS
Shanghai to Pacific Coast

**SPEED AND
MORE SPEED**

Empress
Liners
return
from
America
via
Honolulu

**THE LARGEST AND FASTEST
LINERS ON THE PACIFIC**

Read

THE CHINA PRESS

"The Paper that Serves"

Audited Statement of Circulation
available.

Best Advertising Medium in the
Far East.

SPECIAL RATES TO STUDENTS
\$1.00 PER MONTH

Postage to Outports, Extra 50 cents Per Month

Subscription:

1 Year	\$24.00
6 Months	\$12.00
3 Months	\$6.00
1 Month	\$2.00

(Postage to Outports, \$0.50
per month).

THE CHINA PRESS

(TEL. 61481)

14 Kiukiang Road - - - Shanghai

中國旅行社 China Travel Service

114 Szechuen Road, Shanghai

CABLE ADDRESS: TRAVELBANK

OUR SERVICE TO THE TRAVELLING PUBLIC:

Railway, Steamship, and Aeroplane tickets to places in China and abroad sold at tariff rates; berth reservations made in advance.

Baggages transferred; Traveler's Cheques issued in Chinese and Foreign currencies.

Itineraries arranged and information supplied free of charge; every facility and service rendered to make travelling easy and delightful.

IT COSTS NO MORE TO BOOK THROUGH US

Branches

Shanghai	Nanking	Chengchow	Hankow
Soochow	Hangchow	Tientsin	Hongkong
Wusih	Pengpu	Peiping	Canton
Chinkiang	Hsuchowfu	Mukden	Tsinan

ELEPHANT BRAND

Portland



Cement

Products of

The Shanghai Portland Cement Works, Ltd.

Head Office: 3 Szechuen Road, Shanghai

Telephones: 18278 and 17617

象

牌

國貨之光

水


泥

品質優良

華商上海水泥股份有限公司出品
總公司 上海四川路三號

電話 一八二七八
一七六一七

Economy Trip to America



S.S. "Siberia Maru" (11,800 gross tons) of N.Y.K. Orient-Seattle Service
The Cabin and Tourist Cabin Ship of the Pacific.

N.Y.K. introduces on its Seattle Service Liners
CABIN and TOURIST CABIN

S.S. "Siberia Maru" to be followed by its sister ship
"KOREA MARU" and THREE NEW MOTORSHIPS

Fares on "Siberia Maru" and "Korea Maru"

CABIN from Shanghai to Seattle	G\$270
TOURIST CABIN from Shanghai to Seattle	..	G\$140

1st class fares on S.S. "Mishima Maru" and "Iyo Maru"
type steamers are the lowest on the Pacific.

Shanghai to Victoria and Seattle	G\$240
----------------------------------	-------	--------



SHANGHAI BRANCH
31, The Bund.
HANKOW OFFICE
Whacheong Road, S.A.D. No. 3

HONGKONG BRANCH
8, Connaught Road.
CANTON OFFICE
1, Shameen.

TIENTSIN AGENTS
French Concession.
TSINGTAO OFFICE
20, Kuan Tau Road.

KELLY & WALSH, LTD.

(INCORPORATED IN HONG KONG)

22 NANKING ROAD

P. O. BOX 613

SHANGHAI

- THE STATUS OF SHANGHAI. Its Future Development and Possibilities through Sino-Foreign Co-operation by *Ching-Lin Hsia*, B.Sc.(Glas.), M.A., PH.D.(Edin.) \$4.50
- A SHORT HISTORY OF SHANGHAI by *F. L. Hawks Pott*, D.D. \$4.50
- A SKETCH OF CHINESE HISTORY by *F. L. Hawks Pott*, D.D. \$3.00

THE MOON YEAR. A Record of Chinese Customs and Festivals by *Juliet Bredon* and *Igor Mitrophanow*. \$10.00

CHINA IN SIGN AND SYMBOL by *Louise Crane*. A Panorama of Chinese Life, Past and Present. With 100 Illustrations in original colours. \$17.50

GRANDEUR OF THE GORGES. Fifty Photogravure Studies of the Yangtse Gorges by *Donald Mennie*. \$30.00

THE PAGEANT OF PEKING. Sixty-six Artistic Photogravures of the Historic Capital from Photographs by *Donald Mennie*. \$40.00

SAN KUO OR THE ROMANCE OF THE THREE KINGDOMS by *C. H. Brewitt-Taylor*. Two Volumes. \$20.00
POPULAR EDITION. \$5.00

THE CURRENCIES OF CHINA. An Investigation of Silver and Gold transactions affecting China by *Eduard Kann*. \$12.50

THE FAMILY IN CLASSICAL CHINA by *H. P. Wilkinson*, B.C.L.(Oxon.). \$6.00

CURRENT CHINESE or *Shih Yung Hsin Chung Hua Yü*. Progressive Exercises in Colloquial Chinese by *J. P. Ratay*. Two Volumes. \$12.00

CHINESE FAMILY AND COMMERCIAL LAW by *George Jamieson*. \$6.00

STRANGE STORIES FROM A CHINESE STUDIO by *Herbert A. Giles*, M.A. \$3.00

CHINESE JUNKS AND OTHER NATIVE CRAFT by *Ivon A. Donnelly*. With coloured and black and white illustrations. \$6.00

PEKING, a Historical and Intimate Description of its Chief Places of Interest by *Juliet Bredon*. \$10.00

GEMS OF CHINESE LITERATURE. Prose and Verse by *Herbert A. Giles*, M.A. Two Volumes. \$10.00

CHUANG TZU, Mystic Moralist and Social Reformer by *Herbert A. Giles*, M.A. \$8.50

THINGS CHINESE: or NOTES CONNECTED WITH CHINA by *J. Dyer Ball*. Fifth Edition. Revised by *E. Chalmers Werner*. \$8.50

PRINTER AND PUBLISHERS OF
FINE BOOKS

DOLLAR STEAMSHIP LINE *And* **AMERICAN MAIL LINE**



Travel in comfort aboard

President Liners

The Short Straight Route

*To Seattle and Victoria
(Sailings fortnightly)*

The Sunshine Belt

*To San Francisco and Los Angeles
(Sailings fortnightly)*

Round the World

*To Hong Kong-Manila-Singapore-Penang
Colombo-Egypt-Italy-France-New York
(Sailings fortnightly)*

The Robert Dollar Co.

General Agents—3 Canton Road, Shanghai

The Shanghai Commercial and Savings Bank, Ltd.

Our primary aim is to serve the
community at large.

With Branches and Agencies
throughout China, and Foreign
Correspondents in various coun-
tries, we are in a position to
give our customers prompt,
courteous and efficient service
at all times.

LET US SERVE YOU!

Head Office: 9 Ningpo Road, Shanghai.

Local Branches: Boundary Road, Hongkew, and West Gate.

Outport Branches: Changchow, Changsha, Hankow, Kiukiang, Linhwai-
kwan, Nanking, Nantungchow, Pengpu, Soochow,
Tientsin, Tsinanfu, Wusih.



KAIPING COAL

for

HOUSEHOLD USE and OPEN FIRES, STEAM
HEATING, MILLS and FACTORIES, BRICK BURNING

COKE for FOUNDRY

FIREBRICKS, all Shapes

BUILDING BRICKS and WINDOW GLASS

KAILAN MINING ADMINISTRATION, 12 The Bund

and at—

KAILAN SALES AGENCY, 6 Szechuen Road.

開平煤

可供家用 壁爐 熱氣水汀

工廠及磚窯之用

開平焦

可供翻砂之用

開平火磚 各式俱備

開平造屋磚及門窗玻璃

上海開灤礦務局 外灘十二號
上海開灤售品處 四川路六號

印
有
各
種
詳
章
備
索

上海銀行公會會員行

浙江興業銀行

北京路七八號

資本二百五十萬元 ▲ 股份準備金四十萬元 ▲ 公積金一百一十七萬餘元

THE NATIONAL COMMERCIAL BANK LTD.

營業部

儲蓄部

金幣部

房地產信託部

保管庫

貨棧

發行庫

營業要目

定期存款 特別定期存款 往來存款 特別往來存款
定期放款 定期抵押放款 往來透支 往來抵押透支

貼現 押匯 國內匯兌
整存整付存款 另存整付存款 特別另存整付存款 整
存另付存款 整存付息存款 活期儲蓄存款 特別儲蓄
存款

外幣存款 國外押匯 國外匯兌

地址另設四川路七十四號 定期信託存款 分期信託存款
活期存款 房地產押款 存單押款 房地產買賣及經營
代客買賣房地產 房地產租賃及打樣 代理保險

露封保管 出租新式保管箱

新開路○字一七二號第一貨棧 蘇州路三五至三七號第
二貨棧 光復路六九號第三貨棧 堆存客貨
發行準備完全獨立 兌換券分一元五元十元三種

分行及分理處地點

上海西區分理處 靜安寺路西摩路東首

上海虹口分理處 百老匯路蓬路轉角

杭州分理處 三元坊西嘉橋

漢口分行 歌生路

天津分行 法租界二十一號路二十六號路轉角

天津河北分理處 東北城角

北平分行 戶部街新大路

上海大華藥房

地址 四馬路中市

電話 二六八七號 電報掛號 六〇六〇(上海)

本藥房鑒於西藥事業關係社會民生至深且大故新創未久而一切努力弗敢後人設備力求完美營業專重實際定價低廉招待週到更為各界所稱道現除運銷歐美原料各項藥材化粧品粧香品醫療器械照相材料衛生用品注射藥針應有盡有外並特設配方部專配各國醫師所開方劑由富有經驗之註冊藥師負責主持妥善迅速分量準確無論日夜均可代配倘蒙格外克己以副雅意尙乞公鑒

上海大華藥房
股份有限公司
謹啓

Standard Drug Company, Ltd.

Certified Pharmacists and Manufacturing Chemists

85-86 Foochow Road, Shanghai

Telephone:
62867

Enquiries Solicited
Every Satisfaction Guaranteed

Telegrams:
"6060" Shanghai

(The House that is patronized by all Johaneans)

中華工業股份有限公司

上海

本廠始創於民國八年所製各種絲織疋頭花邊等早已行銷遐邇膾炙人口惟本廠尙不以自滿所以精益求精者實因鑒於舶來品之充銷國內漏卮四溢工業日頽爲塞漏外溢起見是以悉心倣製務求其日臻精美駕乎舶來品之上使吾同胞人人愛用今已有之出品如時花毛葛新色錦緞條子緞葛純白素綢中山嘜吱印花綢加闊牙口邊繡花旗袍邊雙色袖口邊各色絲紗邊電光珠邊全絲紗手帕全絲褲帶毛絲圍巾大小魚林邊木耳裙邊絲帶絲紐扣夜明飛龍邊等名目繁多不及細載倘蒙賜顧自當格外從廉以廣招徠而振國貨

廠址上海曹家渡白利南路十五號

電話路陸七三七〇

事務所地址上海南四川路春江里三百十一號電話一二五九二



鐵道運輸與堆棧之一斑

中國運輸股份有限公司

營業要目

鐵道運輸部	輪船運輸部	堆棧部	押匯部	保險部	報關部
-------	-------	-----	-----	-----	-----

地址上海界路二〇一至二〇九號

電話北三三八至三三九號

電報掛號六四六六

總經理韓玉麟

恭賀

聖約翰大學五十周紀念

樂育英才

上海伊文思圖書公司敬祝

名譽制度·····	二五
顧斐德教授之逝世·····	二五
五年中之發展·····	二五
五四運動·····	二八
四十週年紀念·····	二八
學校極盛時代·····	二九
聖瑪利亞書院之遷移·····	三〇
中學新校舍·····	三二
不幸之變化·····	三二
國民軍革命之影響·····	三三
丁卯學社之成立·····	三三
美國調查團之蒞止·····	三四
學校之重整旗鼓·····	三五
五十週年紀念·····	三六
聖約翰大學圖書館概況·····	三九
聖約翰大學運動概況·····	四三
一八七八年至一九二九年·····	四三
一九〇〇年以前·····	四三
一九〇〇年至一九二〇年·····	四四
一九二〇年至一九二九年·····	四五
聖約翰同學小史·····	四七

目錄

第百

聖約翰大學校史

本校創立之經過	一
校中之新發展	八
新建築物與新建設	一〇
大學部之發展	一二
科學館之初建	一四
學生事業	一五
同學會之成立	一六
神學科醫科之畢業生	一六
拳亂時期及拳亂以後	一六
思顏堂之建築	一八
一九〇四年之其他事件	一八
學校在美之註冊	一九
有得有失	一九
思孟堂之建築	二〇
一九〇九年之校務	二一
吳家宅地之購置	二一
革命期中	二二
校長二十五週紀念	二四
第一次同學會紀念日	二四

本校禮拜堂	二二
本校辦公處及校長住宅	二二
游泳池	二八
內室體育部	二八
西門堂	三〇
交誼室紀念卜夫人黃氏	三〇
民國十七年校董會	三四
一九二九年教員	三六
羅氏圖書館	三八
理科實驗室	三八
前健身房	四〇
顧斐德體育室	四〇
足球隊	四四
田徑賽隊	四四
獎品	四四
近年學生軍	四八
童子軍	五〇
現時校門	五六

圖照目次

面頁

本校創辦人施主教	一
五十年前校門	一
一八七九年校舍	一
顏永京牧師	二
卜舫濟校長	八
郭斐德主教	八
唱詩班	一〇
懷施堂	一〇
科學館	一〇
昔時學生軍	一二
舊時軍樂隊	一二
昔時武備生	一二
一八九九年教員	一四
西劇	一六
思顏堂	二〇
思孟堂	二〇
二十年前校門	二〇

序

本書之作，所以溯既往，勗將來，五十年中，嬗遞進化之跡，蓋略具於是矣。書由出版委員會編纂，而分任其勞者，有校長卜舫濟，教授羅道納述校史，圖書館代主任黃維廉叙藏書，文理學院主任沈嗣良紀運動會，施肇康編運動紀錄，千九百年同學曹延生博士紀同學會，會計華克編收支表，校舍地產表，陳啓良編註冊統計，畢業生統計，獎品統計，教授蔡正華譯各表各統計，卜夫人集校中風景圖，千九百十三年同學中華照相館主人攝郭承志校舍全景，千九百二十一年同學劉麟生譯全書，例得并書出版委員會凡三人：千九百零二年同學張嘉甫，千九百二十三年同學吳激，教授武道書成，紀其大概如右，編者志。



BISHOP SCHERESCHEWSKY
FOUNDER OF ST. JOHN'S UNIVERSITY
教主施人辦創校本



THE GATE, 1879
門校前年十五



ST. JOHN'S BUILDINGS 1879

舍校年九七八一

聖約翰大學校史

本校創立之經過

凡參觀本校之人，由正門長驅直入，必抵一偉大之建築物，上有鐘樓，題曰懷施堂，命名之由，所以紀念已故施主教也。施主教祖籍爲猶太人，生于歐洲之立陶宛，皈依基督教有年。一八五九年（清咸豐九年）來華傳教。其人敏于任事，通曉各國語言文字。由美啓程時，方學習華語。抵華後第一星期日，即能用華語講道，其天才殊可驚異也。

施主教駐北京甚久，對於中國語言文字，研究更有心得。教會譯聖經爲文言文時，施主教之力居多。美國監督會（即大美國聖公會）聘爲主教，勉強從命，蓋施主教實一學者，攻學之志趣甚堅。既任主教之職，即主張設立大學。彼見中國人尊師重學，由來已久。設立大學之後，必可養成一種實力。且中國是時教育，仍墨守舊章，專攻經史。苟能介紹新式教育，創立教會大學，前途之希望，實爲無窮。

一八七七年（清光緒三年）施主教返國，欲募款十萬元興學，結果不甚美滿。僅募集美金二萬六千餘元。在當時已爲巨款矣。此外美國監督會董事部，允于三年內，捐助美金六千元，爲維持學校之用。

翌年，施主教返華，即積極進行辦學計畫。惟此時有應解決者二事：一，學校地點；二，學生來源。

有人提議芝罘氣候合于攝生，最宜辦學。惟監督會學校多設于上海，遂決定在上海試辦。至于第二點，甚易解決。上海已有寄宿學校二所，爲監督會所設立。一名培雅書院，一名度恩書院。將此二校合併，即可爲新大學之中心點矣。

然在上海辦學，究應擇何種地點，幸而極司非而路有廣場一片出售，凡八十四畝，距黃浦灘約五英里。地本上海某商人之消閒別墅，園中樹木，剪裁甚好，并闢有馬路，又有住宅一所，可供主教之用。售價爲六千五百兩，在今日地價高漲時視之，直爲數無幾耳。

當時監督會在虹口擁有地產，由文惠廉管理，擬將此項財產，售去其一部份，以供買地之用。後來即以該項地租押款購地，計更善矣。

既購地，人多以爲距城太遠，交通不便。當時交通，僅恃人力車與手推車。五英里之路，視爲長途。梵王渡擺渡處，有路可通上海。此路係太平天國時代戈登運兵時所築，尙可行駛也。

建築房屋，始于一八七九年（光緒五年）是年四月十四日復活節星期一，安置隅石。施主教與奈爾孫牧師，由滬乘小輪至此，以乘輪較乘車爲便也。是日來賓甚衆，施主教與英國天主教白裘牧師皆有演說。白裘之演說，則由監督會教士黃近霞口譯。

第一次校舍爲四方形，前後皆寬一百三十英尺，左右皆寬二百二十英尺。地址卽今日懷施堂所在。樓下爲課室、膳堂、圖書館及禮拜堂，樓上則爲宿舍，可容學生八十。此外又造三宿舍，



THE REV. Y. K. YEN, D.D.

師 牧 京 永 顏

供教職員住宿之用。

建築費共計銀一萬五千元。以虹口地產租金作抵押品。共借得規元一萬兩。經濟方面之簡省，可以想見。

是年九月一日，行正式開幕禮。由施主教及顏永京牧師主持其事。學生來者，多乘船抵此。培雅書院之學生，來自上海城內。度恩書院之學生，來自上海西鄉。神道學校之學生，來自上海北鄉。船皆齊集于蘇州河岸，整隊入校。

第一次點名時，共有三十九學生。由顏牧師致訓詞。此項學生，來此求學之目的，無非欲得自由教育。當時信仰新教育者，為數極少。三十九人，均為免費生。百分之九十，皆教友也。衣服飲食書籍文具，悉由學校供給。

第一次之教職員如左：

施主教

校長兼國文部主任

文惠廉

牧師英文文學兼倫理哲學教授

顏牧師

學監兼數學自然哲學教授

貝牧師

歷史學宗教學教授

朱問漁

國文

楊南生

國文

孫雲崗

國文

朱鼎卿

國文

此外神學部中，有施主教湯藹禮奈爾孫諸人，擔任功課。

辦學之初期

前十年內，直可謂爲學校發軔初期。開辦以後，學生已逐漸增加。一八七九年至一八八〇年之間，上學期有學生四十九人，第二學下學期有七十一人。皆來自教會學校。

功課略如左表：

上午六點四十五分

早禱

八點至十二點

上課與自修

十二點至下午二點

休息

下午二點至五點

上課與自修

七點三十分至八點三十分

自修

九點

息燈

每日三餐，亦甚簡陋。冬季不生火，晚間只許燃燭，以防火警。星期六下午，放假半日。體育方面，

無甚設備。一任學生自由。踢毽子，跳繩索，放紙鳶，皆通常之遊戲也。晚餐之後，可出外散步。東西兩面，有規定之路線。校址之南，爲大廣場。故無限制。惟七時半以前，必須一律返校。

學校初創，困難之事亦多。施主教眼光遠大，當時卽有意提倡白話，主張各班皆宜試用官話教授。惟當時學生皆操英語，練習官話，甚不易行。校中教授科學，係用中文，而相當課本，乃遍覓不得。此外種種設備，亦需要孔亟。故由貝牧師擬稿，要求教會方面，撥予美金一萬五千元，以便購置儀器，增加圖書，建築圖書館及禮拜堂，并延聘良好教員，尤以科學教員爲尤急。此外行政方面，亦有困難。施主教雖爲校長，而兼顧主教職務，不能以全副精神，辦理學校。一八八〇年，赴武昌，校務由教區委員會辦理。事權不一，效率甚小。如學校紀律，委諸教員一人手中，規定十八歲以上學生，不得加以重責。有重要過失者，須取決于全體教員，其他可想見矣。

幸而學校中有一重要發展，卽非教會學校之學生，亦願來肄業也。校中于一八八一年（光緒七年）十月間，已添設英文部。共收學生十二人。每人每月付膳學費八元，當時社會上，感覺英文可以經商。青年子弟，頗願習此，故本校有此種新計畫也。

英文部中新教員，有葛勝芳君，係在美國讀書有年。一八八三年，又聘有施女士。渠對於教授，極有經驗，實爲在華教授英文之老前輩。爲人又極熱心。今日佔據要職之老同學中，類能道

及之云。

學校錄取納費學生後，亦有一種困難。蓋此項學生，以爲應與他種學生待遇不同，得享種種權利。故于一八八四年（光緒十年）停辦此科。同時在預科中，增加英文半日。中文半日。施女士專教授高班學生。學生願讀八年者，每月付費二元。願讀四年者，每月繳費四元。既可吸收外間學生，對於學校，亦不無小補也。

科學方面，于一八八一年間，聘請白特爾君。惟在未授課之前，須在華學習中文。頗病其煩，故數年之後，辭職而去。

施主教另有一計劃，欲將上海兩女學，併爲一寄宿女學，設於梵王渡。此兩女學，一名文記女學，一名裨文女學，即後此聖瑪利亞書院所自來也。校址在本校之北。一八八一年（光緒七年）六月開幕，黃素娥女士爲校長。兩校之間，隔以高牆。當時風氣未開，故在禮拜堂中禱告之時，女生席旁，用簾掩隔，以防男生側目而視。男生平日不得入女校之門，故男生視聖瑪利亞，宛如紫禁城焉。然女校之設，實予男生以快感。二校生徒，亦間有交通，惟當局者不覺耳。繼又添造二建築物，一爲禮拜堂，即今日所用之禮拜堂也。此款共美金六千元，爲美國紐約州克拉克孫家屬所捐，以紀克女士及克夫人者。一八八四年（光緒十年）六月三日，安置隅石。材料大率爲灰色磚與紅色磚，用古代高德式構造，形式簡單，而外觀甚美。當時固甚覺寬

敞，後此學生增加，故將前後部分放大，此項建築物，爲校舍之最古者。至今仍完好如故。

此外又于大門附近，造一小小藥房，以便學生及鄰居之人來此診病。藥房公開之後，可以聯絡鄉鄰之感情也。醫科創立于一八八〇年（光緒六年），文恆理爲主任，并管理藥房事務。繼而文恆理在同仁醫院，治事甚忙，難于兼顧，遂將醫科移至虹口，不久募得捐款銀六千元，文恆理遂于其住舍之旁，造一校舍，醫科上課，悉用華文教授。

後來各科用英文教授，增加學校聲譽不少。一八七二年（同治十一年）中國派往留美之學生，悉行歸國，政界中無可位置，來就聖約翰教席者甚多，故物色英文教員，頗不費力。

一八八三年（光緒九年）學生有八十一人，學校漸注重體育方面之設備，略購體育用具，并買假鎗五十枝，爲兵操之用。

施主教僑寓武昌，一八八一年八月四日，得半身不遂之症。故于一八八三年（光緒九年）十月二十七日，辭去主教之職。以其餘年，從事逐譯聖經。寓滬數載，對於本校之發展，極爲熱心。校長則由文惠廉繼任，辦事亦極認真。一八八四年十一月二十三日，貝錫鼎牧師（現任美國西米蘇利州主教）抵滬，擔任科學部事務。數年後，調往武昌文華書院，深可惋惜。

學校第一次受政治方面之影響，爲一八八二年至一八八四年之中法戰爭。一八八四年八月間，謠言法兵將攻上海，校中人相率遷居租界。學校亦預備停辦，幸法人以上海爲中

立地。故男女兩校，仍得于九月間開學。

校中之新發展

學校政策，漸趨向于教授英文一方面。一八八六年（光緒十二年）卜舫濟牧師來華，一方面擔任英文教課，一方面研究中國語言文字。卜先生深知英文實為傳播新教育之利器，研究英文，亦不致荒廢本國文字。故于其所作一八八七年之英文部報告中，歷數研究英文之利益。其言曰：

一，華人研究英文，猶如西人研究希臘拉丁文，可以增進智慧。

二，研究英文，可以鏟除華人排外之成見。

三，華人之研究英文，可以增進東西間之情感，並可以擴張國際貿易。

四，研究英文，可以使華人明瞭基督教事業，在培養人才，為社會服務。

一八八六年，卜先生為本校主任，得展抱負，可想見矣。

自然科學方面，預備增加課程。惟學生英文程度太淺，非用華文教授不可。暫由卜先生擔任化學初步物理天文及地質學。上課均用華語。學校又添築科學室一間，以便工作，又為鼓勵中文部教員研究科學起見，組織益智會。每月開會一次，有科學演講與討論。當時無科學雜誌，科學之知識，殊為缺乏。



THE REV. FRANCIS LISTER HAWKS POTT, D.D., S.T.D.

長 校 濟 舫 卜



RIGHT REV. FREDERICK ROGERS GRAVES, D.D.

教 主 蔚 斐 郭

學校又恐師生間太形隔膜，每星期六晚，主任輪流請每班學生茶話。有遊戲，有茶點，備受當時學生之歡迎。

繼而郭菲蔚牧師（即今郭主教）往武昌任事，神學部取消。加以醫學部移至虹口，故約翰書院改稱約翰學校，然創辦大學之宗旨，固未失也。

施女士因例假返美，一八九一年光緒十七年在美逝世。校中失去一良教員矣。幸而一八八九年，已聘得李藹門先生爲英文教員。經驗豐富，對於後此英文部之發展，爲力居多。

自卜先生任主任後，事權統于一人，行政易見功效。對於學生活動事業，尤爲注重。一八九〇年五月二十日，由李藹門先生協助，學校有運動會之組織，在禮拜堂前舉行。雖規模簡陋，而學生之踴躍加入，精神殊爲可敬。惟當時有人以爲此種舉動不甚雅觀耳。此後定例，每年春秋舉行二次。并施行相當訓練。中國學校之有運動會，實以約大爲嚆矢。關於此層，可閱沈嗣良教務主任之詳細報告。

一八九〇年，又爲第一次約翰聲出版之期。其發刊詞有云：「此項刊物，係中國青年初次用外國語印行之刊物，希望此種刊物，能增進東西之情感。」該報于三月二十出世，任編輯者，爲朱葆元、蔡元卿、吳任之諸人，每隔一月出版。其間變化甚多。至今猶照常印行不絕。

此外學生活動事業之可記者，爲園藝試驗，棒球，唱歌班，等等。由李藹門夫人導習。

一八九一年（光緒十七年）揚子江一帶，有仇視基督教舉動，倡之者爲哥老會。校中恐發生事端，令學生回家教員則組織巡查隊，以防不測，幸上海道派兵士五十人，來此保護。不久又有命令取締此種舉動。時局平靖，學校仍舊上課。

一八九二年，卜先生第一次例假返美。此行欲在美國募集款項，爲發展約大之計。

此時南京新辦一水師學堂，學生中有離此而赴南京者，然新生加入後，亦得九十人。尙有欲來此而無空額可收者，學校固有發展之必要矣。

一八七九年所造之校舍，頗有傾圮之虞。校中因請美國方面，撥金二萬元改造。

校中爲鼓勵學生繼續求學起見，凡備館四年畢業者，如在正館續習三年，可以免費。正館于一八九四年第一次收生，時僅二人而已。學生每年所繳之費，正館預館合算，亦僅七千元。強校舍不敷用，故于正室之東，建一二層樓校舍。下爲英文教室，上爲物理學試驗室。費用僅達五千元，此屋至今仍在，爲臨時交誼室之用。

英文部組織一委員會，討論課程諸事。教員會議，因此產生。男生唱詩班，亦于是時組織就緒。

新建築物與新建設

一八九二年，卜先生游美，校務由湯藹禮負責。在美募捐，成績甚好。共募得金二萬元。在中國

THE CHOIR
班 詩 唱



1890 年 十 九 八 一



1929 年 九 二 九 一



SCHERESCHEWSKY HALL

堂 施 懷



SCIENCE HALL

館 學 科

又募得六千元左右。華人之熱心贊助，甚可感也。

關於建築物之圖樣，已在美國繪就，務將中國房屋之特質保存。如屋頂之四角，皆作曲線形。實由約大開其端，後此教會學校之校舍，皆仿行之，甚爲美觀。

第一次之大校舍，今名懷施堂。一八九四年（光緒二十年）一月二十六日，舉行奠基典禮，隅石卽爲昔日原屋之隅石，以表新舊繼續不絕之意，足資談助也。

新屋所佔之地，與原屋相仿，建築之時，上課辦事，皆在一臨時房屋中，建于後面操場之上。因宿舍不敷應用，故學生只收六十五人。迨新屋中之僕役房間告成，暫時改爲學生之用，宿舍始較寬適。

一八九四年九月，新屋全部落成，可以使用。惟正式開幕禮，則于一八九五年二月十九日舉行。在當日視之，實爲教會建築物中之最佳者也。

校訓採用「光與真理」一語，當時約翰聲有社評論及此事，其大意如下：「美國最古之大學中，有採用希伯來字『光與真理』一言爲校訓者。最高學府之目的，似無有再較此爲高尙者矣。本校之宗旨，在使學生有廣博之自由教育。先使學生對於英文文學，有澈底之研究。然後授以科學，使之明瞭真理，以增進人類之幸福。而尤要者，則在于養成學生之優良品格。基督教對於此點，貢獻最大。將來對於中國教育之發展，貢獻亦必甚多。歐洲近世文明，起于學校。

吾儕願中國亦有此種情形云。

顧斐德先生，以一八九四年爲科學系主任。抵華之時，適值新屋開幕。從此科學課程，悉用英文教授。固由英文部之成績優良，亦由顧先生之教授得法也。顧君提議在新屋前面塔樓上，安置大鐘。此鐘之爲用，不僅約大之人享其福，卽附近鄰居，亦無不沾其惠也。

大學部之發展

一八九五年，光緒二十一年正科學生第一次畢業。此時僅有三人，胡濟康曹錫庚吳任之是也。此後正館學生，逐年皆有增加。列表如左：

年代	學生人數
一八九一	二
一八九二	三
一八九三	五
一八九四	七
一八九五	六
一八九六	十七
一八九七	十七



STUDENT VOLUNTEER CORPS IN EARLY DAYS

軍生學時昔



DRUM AND FIFE BAND IN EARLY DAYS

隊樂軍時舊



CADETS—EARLY DAYS

昔時武備生

一八九八

廿五

一八九九

廿七

中日戰爭之後，中國以爲日本實力，來自教育，故對於高等教育，更爲信仰，中日戰爭之時，學生尤喜研究軍事，欲參加軍事訓練。顧斐德遂于一八九五年四月中，組織學生軍，以正館生及備館頭二班生組成。秋間遂定軍操爲必修科，鎗械不足，則以竹杖代之。不久顧斐德又增設軍樂隊，有鼓與笛二種。此外又創設博物院，收集古玩，以備學生及來賓之參考。學校爲完成大學計畫起見，有兩種辦法：一方面醫學課程，改用英文教授，停辦虹口醫科。一方面設立神學科，用英文教授，造就傳教人才。一八九六年，（光緒二十二年）改組告成。卜舛濟任校長，文恆理任醫科主任，郭主教任神學科主任。

一八九六年之學生統計如左：

文理科

八人

醫科

四人

神學科

五人

預科

一百四十二人

共計一百五十九人

新屋告成後，二樓東北角改設圖書館。教會藏書，本設文恆理宅內，亦移至此處，此外又有施主教所藏之中國書籍，亦陳列焉。當時無款購書，圖書館發展甚緩。然學生時來參考，瀏覽報章，獲益已非淺鮮。關於此事，黃維廉君另有詳細報告。

校印亦于是擬就，其圖樣爲顧斐德所擬。英文字中有「光與真理」字樣，中文則爲「學而不思則罔，思而不學則殆」。學校顏色，爲藍與黑。約翰聲封面，即用此色。

科學館之初建

學校仍需一校舍，爲科學試驗及正館生宿舍之用。蓋科學部發達，正中校舍之一部分，實不敷用。且學校發達之後，正科生與預科生，亦應分居。此時正預學生同寓一處，僅以木板間隔之耳。

本校在中國募捐，結果甚爲踴躍。上海紳士方面，所捐尤多。且多作書嘉獎本校之成績。某君之函有云：「奉贈五百元，如仍不足，更請前來接洽。」又有某君作書云：「僕力有限，恨不能多所捐助。然深知敝國興亡，係于新式教育。貴國人在華之事業，實令僕感激不已也。」

此次募捐，共得四千兩。吳虹玉牧師之力爲多，蓋彼與上海商界，甚爲熟悉。爲卜先生介紹商人不少。捐款中，亦有西商多人。

一八九七年，校長請假六個月往美，爲科學館募捐。校務由李藹門代理。結果在美募得一萬



. THE FACULTY IN 1899

員教年九九八一

五千金。于是進行建築事宜。地址即爲校長之住宅，住宅拆毀之後，以其磚瓦在操場之北，築一體育室，甚爲簡陋。

奠基禮于一八九八年（光緒廿四年）十一月二十號舉行。開幕禮則在一八九九年七月十九日。房屋樣式，與正中校舍相仿。內有物理化學試驗室及課室，博物院，神學及醫學課室，三層則爲大學生宿舍，中國之有專門校舍，教授自然科學，實約大開其端也。此室之成，實當中國維新運動之際，戊戌政變以前，中外人士，屬望殊殷。不幸反動派得勢，維新事業，尙有所待矣。

學生事業

此時學生事業，亦大發達，有下列種種組織。（一）莎士比亞研究會，每星期六聚會一次，宣讀莎士比亞劇本一種。（二）軍樂會，每星期中練習一次。（三）益智會，每星期有科學演講一次。（四）互助會，每月開會一次。（五）珍珠會，專爲年幼學生而設。（六）攝影會，每月開會一次。文學辯論會，亦于一八九八年創立。對於大學學生英文演說及英文作文方面，助力不少。學生兵操，每星期二次。早操于每晨舉行。體育部中，有顧斐德之弟授課。一八九八年，兩江總督送來鎗械二百支，係薩鎮冰提督介紹之力也。是年一月二十號，約翰聲載初次行受校旗禮，由約大老友湯恩先生授旗。

是年之冬，校中舉行畢業典禮。當時中國仍用陰歷，故學年結束，不得不予陰歷歲底舉行。夏季學期結束，有一非正式之典禮。內有學生演劇。一八九六年，學生曾演威尼斯商人一劇。此後亦時演莎士比亞諸劇。

一八九九年，吳任之辭職，赴南洋公學任事。吳君教授英文八年，前後在此共計十三年。對於學生事業，尤為熱心。曾任文學辨論會會長，體育會會長，學生軍副隊長，及約翰聲編輯等職。

同學會之成立

一九〇〇年，（光緒二十六年）校史中有一重要事件發生，即第一次同學會之產生是也。時為一月二十二日，在上海酒肆開會。到者共五十人。此後每年年終，皆有同學會年宴。又其後各地皆有同學會支會。一九一四年，（民國三年）同學會中產生諮議委員會，對於本校之發展，貢獻甚多。

神學科醫科之畢業生

第一次神學科畢業者，有朱葆元。醫學科畢業者，有蕭習吉、龔懋恩、吳元潤諸人。其課程皆用英文教授也。

拳亂時期及拳亂以後

一九〇〇年夏季，拳匪事起，學校暫時停辦。九月，仍開學。拳亂既平，中國人士，深感新教育之

ENGLISH DRAMATIC PERFORMANCES
劇 西



1896 (MERCHANT OF VENICE)
年 六 九 八 一



1929 (THE WHOLE TOWN'S TALKING)
年 九 二 九 一

重要青年求學之心愈切。九月開學，竟達一百八十七人。

一九〇〇年，顏牧師之子顏惠慶先生，由美學成歸國，來此擔任教務，校中獲益匪淺矣。

揚子江上游時局不靖，文華暫時停辦。學生多轉學約大。事平之後，有不返文華者，余曰：章博士，即其一也。

此時新式學校，日多一日。物色教員者甚多。約大畢業生，頗有供不應求之勢。

軍式體操方面，聘得佛給尼亞軍事學校畢業生柏君指揮一切，大著成效。

李藹門任教職十年，因會計事忙，辭去教職。

學校爲增進學生運動機會起見，在梵王渡渡口，租地一方，爲足球場。後此始于河左，置運動場。

一九〇二年，學生已達二百三十人。科學室樓上之大學生宿舍，已不敷用。前此學生多來自

江浙兩省，今則漸有他省學生。且有自檀香山來者。愛好運動，相習成風矣。

教員方面之擴充，則有二法。一方面有來此學習華語之教士，可爲本校兼任教員。一方面有教員之夫人，如李藹門夫人顧斐德夫人等，皆在英文部授課。

學生事業方面，添設運動會及唱歌會。唱歌由李夫人顧夫人教導，引起學生之興趣不少。

一九〇二年，教學部聘請華克授課。本校畢業生曹福賡，由美返國，亦擔任教課，以補顧斐德

之缺。蓋顧君例假返美故也。

思顏堂之建築

學生增加，宿舍亟宜擴充。同學會遂于一九〇一年募捐建築校舍。共募得七千金。（以美金計）紳商政界，皆有所捐。卜校長在美，亦募得美金二萬二千餘元。

校舍決定爲U字式。以便將來發達時，兩翼可以添築。並參用中西建築形式。宿舍可容一百五十人。此外有教員寄宿處，聚集所，可容六百人，招待室，辦公處，及圖書館。

一九〇三年十月二十四日，奠定隅石。一九〇四年（光緒三十年）十月一日舉行開幕禮。新校舍款項，多半募自同學方面。故大會堂稱同學廳。新屋總名思顏堂，以紀念對於本校出力最多之顏永京牧師。圖書館則名羅氏圖書館。羅氏曾任哥倫比亞大學校長，及紐約市長，與其弟捐助本校書籍甚多。

一九〇四年之其他事件

麥甘霖牧師，曾于一九〇二至年一九〇三年間，代理校長職務。對於本校服務頗多。此時因專心教會事業，辭去教職。校中「光與真理」之歌，卽其所作也。

顧斐德夫婦由美返國時，募得一千一百美金，爲購置風琴之用。

中國人士對於本校事業，極爲稱賞。名人如溥倫貝子，兩江總督周馥，巡撫端方等，皆至本校

參觀。倫貝子給與成績最優之學生銀牌一百方。周玉帥則捐助五百元。學校議決，以其利息，製獎章，贈與高級中之善作國文論說者。

一九〇四年初次印行年刊，命名爲龍旗，即今日之約大年刊也。

學校因運動而出名者，世界各國固多有之。約大亦然。一九〇四年，有華東各大學運動會之組織。約大執田徑賽之牛耳者數年後，此雖得失靡常，然創始之時，約大率居領袖地位也。

學校在美之註冊

學校程度提高，學生人數日增。校中頗欲給與學位與畢業之學生。此時學校課程，已由三年改爲四年，爲註冊之預備。蓋本校畢業生多欲游美以求深造，故校中對於此問題，進行甚力。與英美各大學之函札，往來不絕。耶魯大學首先表示好感。對於約大畢業生，待遇甚優。得入該校研究院肄業。

一九〇五年，校中討論本校改組問題。駐美董事會，予以同意。因按照美國哥倫比亞區大學條例，組織完全大學。事成，校中無不歡欣萬狀。從此各部畢業生，皆有學位。第一次受文科學士學位者，計六人：周詒春，嚴鶴齡，江虎臣，朱友漁，蔣柯亭，顧子仁。時爲一九〇七年（光緒三十三年）二月一日。是年清慈禧太后有明令，廢止科舉，開辦學堂。

有得有失

編輯校史時，往往得失之事，循環而至，不可不知。惟同學對於母校，始終熱心，時捐銀一萬元。在蘇州河左岸，購置運動場地凡八十四畝（十四英畝）從此田徑賽及足球比賽，皆有相當地方。學生來往，另備有渡船一艘。

外國教授方面，增加數人，施達格，都孟高，赫定，梅喬。

一九〇七年七月二十九日，孟嘉德牧師，在牯嶺救友，溺死于瀑布中。孟牧師于一九〇四年任職，教授哲學，實本校之名師。此外顏牧師，張嘉甫，嚴鶴齡，鄭肇桐諸人，均先後離任他往。

思孟堂之建築

孟牧師逝世後，同學及學生，表示哀思，募款建築宿舍于科學室之南，沿蘇州河岸而築。募得之款，共得七千金元，在美所募，約一萬五千元。

一九〇八年九月十九日，安置隅石。翌年九月，學生遷入居住。校舍三層，可容學生九十六人。思孟堂地畝之購置，亦得某君之助。其人捐銀洋五千元，惟前面有地一方，狹而長，至今未能購得，因地主索價過昂也。

孟牧師爲耶魯畢業生，故其卒也，耶魯製一紀念銅碑，今置于思孟堂梯旁。

孟氏遺書甚多，皆捐贈與本校圖書館。此外孟氏津貼金一百元，贈與本校學生之游美者，孟氏又爲本校作一校歌，故其名在本校爲不朽矣。



YEN HALL
堂 顏 思



MANN HALL
堂 孟 思



THE GATE, 1909
門 校 前 年 十 二

一九〇九年之校務

一九〇九年之大變化，爲學年之改變。前此學年結束，均在冬季，今則改爲夏季，以便畢業者出洋求學。故在一九〇九年中，冬夏皆有畢業者，夏季畢業一級，全年課程，于一學期中習畢。是年學校安設電燈，募得二千金，元惟裝置電桿時，須侵入他人之地，其人不予以同意，祇得由附近電話桿上接入。

一九〇九年一月一日，赫定忽逝，彼任職甚勤，未始非學校之一失也。

吳家宅地之購置

一九〇九年至一九一〇年之間，卜校長因例假赴美，顧斐德代理校長職務，校長欲在美募集六萬五千金，以爲發展學校之用，結果募得三萬美金。

此項捐款之一部分，用以購置蘇河左岸地產，本校三面臨河，南部又爲吳家宅地產所阻，當時欲在河左發展，將來再造梁橋，以便來往也。

一九一一年，（宣統三年）吳家宅之地，忽欲出售，學校函電美國董事部，要求籌款購地，共需銀十四萬兩，始得購成，計地七十二畝，（十二英畝）草木葱鬱，極爲美觀，樹木有五十年前所種者，園之布置，爲英國式，約大園林之勝，在中國學校中，固不多見也。

吳家宅地產之優點，可如下述：（一）園中有住宅一所，下可改建圖書館；（二）上可爲校長宿

舍；(三)其旁可爲有室家教員之住宅；(四)兵式操演，有廣場可以周旋；(五)校門出進，不如前此之迂曲；(六)前此四圍皆係工廠，及華人住宅，今則有園林，可供憑眺；(七)此後添築校舍，不患無地。

地款由募捐得來，惟適當辛亥革命之際，進行甚難。先用借款方法，以償地價。借款則由董事部逐年攤還。

由約大出洋讀書者，成績均甚優美，聲譽日起。計在美留學者一百八，在英國及歐洲者，有二十人左右。美國并有約大俱樂部，曾發行約大季刊數次。一九〇九年清華考試留學生，取九人，其中七人爲約大學生。一九一四年取三十一人，約大佔其二十六。

教會學校常因不注重國文，爲人評議。本校特任陳寶琪君爲國文部主任，改良一切，或績甚佳。

文理二科亦已分立，畢業者或得文科學士，或得理科學士學位，各不相混。

革命期中

學校事業，日興月盛。適值辛亥革命，稍有停頓。時青年學子，多傾向革命；且有人加入敢死隊中。備嘗艱苦，以致一星期中，學業停滯。上課之後，學生多所主張，中有一級，因而停學。幸第二學期，已恢復原狀。畢業典禮，至爲隆重。國內政治固定之後，約大畢業生入政界者漸多，頗有



ST. JOHN'S PRO-CATHEDRAL
堂 拜 禮 校 本



ADMINISTRATION HALL (AT LEFT) AND PRESIDENT'S RESIDENCE
宅 住 長 校 及 處 公 辦 校 本

居重要位置者。

教員方面，新聘有柏德門雷麥伊利諸人，柏德門授物理學，雷麥授經濟學，伊利授土木工程，後來經濟工程二部之組織，二君之力居多也。戴調候牧師辭職，朱友漁牧師繼之。朱君爲本校一九〇七年畢業生，在美得有哲學博士神學學士學位。

是年本校又與文華大學商定合作辦法，文華只授大學課程，其研究院工作，則由約大辦理。一九一一年以來，上海設有哈佛醫科學校，本校擬停辦醫科，與之合併，而該校發起人不願，于是本校不得不繼續辦理醫科，先與漢口吳懷施主教接洽，聘得梅應時博士爲本校醫科專任教員，又與美國本薛斐尼醫科學會合作，得其贊助，故改約大醫科爲聖約翰大學本薛斐尼醫學院，以嶺南大學教授莫約西博士爲第一任主任。

一九一二年（民國元年）秋季，麥亨利君（即今麥亨利博士）來校，擔任歷史。彼一意研究中國外交史，一時從之研究者甚多。

一九一三年二月一日，本校舉行冬季休業式，因邀中華民國第一任臨時大總統孫中山先生，演講於大會堂。主席介紹，尊爲國父，羣衆譁呼，謹聆訓詞。中山先生首論科學教育之要，最後數語，不可不紀。其辭曰：「今日言責任，聖經中云，已見光明，應爲人導，既有智識，必當授人。民主國家，教育爲本，人民愛學，無不樂承，先覺覺後，責無旁貸，以若所得，教若國人，幸勿自秘。」

其光」演詞中復述教會傳布教育之功，對於本校事業，尤所稱美焉。

一九一三年，國中又有內亂。二次革命，以討袁爲目的。幸戰事發生于暑假中，學校未受影響。戰事既平，政治上又有一番反動。

此時國立學校，以無款停辦者甚多。投考教會學校者極衆。本校以無空額，不能錄取之投考者，無慮數百人也。

校長二十五週紀念

一九一三年（民國二年）十二月二十日，同學及學生方面，舉行卜校長任職二十五週年紀念會。以伍廷芳博士爲主席。同學及學生共捐得二萬元，爲建築圖書館之用。同時捐助貴重書籍者甚多。現任駐英公使施肇基博士（亦本校同學之一）捐助值洋一千元之書籍。美國富人摩干氏，亦以其名貴之瓷器目錄，贈與本校。

此二十五年中，學生由八十人增至五百人，教員由八人增至四十人，建築物由一簡陋之校舍一所，增至五大校舍。大學中學，設備完全。是年畢業者，共二十一人，皆有學位。中國社會之傾向于新教育與本校之適應趨勢，可見一斑矣。

第一次同學會紀念日

一九一四年，（民國三年）歐戰開始。國中尙未受若何影響。約大亦照常進行。五月三十日，第

一次同學會紀念日。在校中舉行。由同學會上海支部辦理。各同學及其家屬，皆來校。歡游極暢。此後年有此會，同學與母校之關係，更爲密切矣。

名譽制度

是年大學中三四年級考驗，採用名譽制度。學生初入大學三年級者，用投票方法，決定採用此種制度與否。名譽制度在本校施行，甚有成效，至今未輟。

顧斐德教授之逝世

顧教授于一八九五年來此任職，以全副精神，爲本校任事。除組織自然科學部外，課餘事業，得其助力亦不少。教授法之引入入勝，學生方面，無不衆口一辭。有人謂學校之實力，不在房屋設備，而在教師。顧教授對於學生之影響極大，真其人也。君德性堅定，辦事認真，予人以絕好印象。惟最後二年中，身體孱弱，學校方面，聽其回英修養，冀得復原。不謂一九一五年六月四日，竟病歿于英之荷山城。學校于六月十三日，舉行追悼會于禮拜堂中，到者除教職員及學生外，且多同學會中人。皆君昔時高足也。是日行禮者，多極沉痛云。

五年中之發展

一九一四年至一九一五年中，學校進步，繼續不已。其間有四十週年紀念，則其極盛時代也。

一九一五年之後半，卜校長例假赴美。華克教授代行校長職務。卜先生在美，仍進行募捐事。爲購買聖瑪利亞書院思丁堂之用。

是年洛克斐勒駐華基金委員會，欲在京滬兩處，設立醫校。約大擬與之合併，改爲醫學預科。後以委員會辦理北京協和醫科大學，用款過多，不能更在上海設立醫校。而上海之哈佛醫校，適亦停辦。約大醫科，遂歸然獨存矣。

校中爲擴充學額起見，凡教會中學及程度較好之中學，皆認爲有關係之學校。其畢業生得入本大學一年級讀書，無須考驗。

西教員中，亦增人不少。史學系有羅道納；化學系有戴世珍；圖書館方面，亦遣徐燮元赴紐約研究圖書館學，不幸學成歸國，卽染疾而逝。

華克在本校十五年，克盡其職。一九一七年，教會會計李藹門，因病辭職。以華克繼之。華克因此辭去教授之職。惟校中會計事務，仍兼顧也。

神學部聘聶高萊牧師爲主任，可謂得人。又得包達甫擔任生物學，本校之有生物學系，自此始。

一九一八年，（民國七年）大學部學生人數，超過中學部。共有二百六十三人。爲前此所未有。中有數人，從事研究院工作。

邢敦君于一九一三年來校，任教職，繼在美國哥倫比亞大學得學士學位。返華後，任本校中學主任，蓋爲管理便利起見，大學與中學，久有分離之意。中學主任，對於校長之關係，與其他各部主任同。

學校事業發展，建築物亦增多。中學後面，添造樓房，爲學生宿舍。一九一七年中，改建大門。一九一三年級所捐贈者也。同學與學生爲紀念顧教授起見，復在美募得三萬五千元，建築體育室一所。

一九一八年，洛克斐勒駐華基金委員會，議決爲本校自然科學各系，捐金八萬元。惟須本校董事部先募集美金二萬元。後竟如願以償。因在蘇州河左岸，建築新科學館。購置儀器不少，并資助科學系教員，留學美國。新科學館，于一九一八年興工，計爲屋三層。外觀略帶華式，內部設備，全採新法。化學生物學及物理學三系，各佔一層，在當時中國科學院建築中，此固首屈一指矣。

美國加入歐戰後，不能添聘西教員。幸有例假之西教員，皆延期赴美，故課程方面，仍得維持。一九一七年，瞿同慶君辭職，瞿君在中學教授英文十餘年。此次專任聖約翰青年會中學校長。該校爲初中程度，亦約人附屬學校之一地。產校舍皆，爲該校所有。亦本校同學事業中之有名者也。

五四運動

歐洲和會告終，青島仍在日人掌握中。全國人民，甚不滿意于凡爾塞和約。學生方面尤甚。各校，因組織學生會，對日示威，拒用日貨，暫停學業，名之曰學生罷課。

學校方面，對於學生愛國運動，自極贊成。惟恐學生會之組織，對於學校行政方面，或有所抵觸耳。

上海學生全體議決，于一九一九年六月五日，一致停課。當時學校即給假七日。不謂七日既過，罷課仍無結果。學生要求以該學期之尾，悉為政治活動之用。學校議決，立即放假，學生一律回家。本年畢業禮因即取消，此本校第一次所僅見也。

四十週年紀念

九月照常開學，遂竭力為四十週年紀念之預備。紀念典禮，定于一九一九年十一月十五日，在同學廳舉行。到者除同學及學生外，賓客不少。教職員整隊行禮，尤極一時之盛。是日又舉行顧斐德紀念體育室奠石典禮。本校同學胡貽穀推事演說體育室內，有游泳池，實前此中國所未有也。同學廳中演說者，有華北主教鄂方智博士，及南開大學校長張伯苓博士。

開會期中，校長報告同學會認捐銀一萬元，為建築交誼室之用，以紀念卜夫人黃素娥女士。卜夫人前此對於學生方面，亦曾盡力不少。一九一五年級亦捐銀五百兩，為交誼室器具。



SWIMMING POOL

池 泳 游



GYMNASIUM

部 育 體 室 內

之費用

學校極盛時代

四十週年以後，學校似有無窮之希望。惟學生方面，受外界之引動，不免心神不定耳。

一九二〇年（民國九年）一月二十六日，新科學室舉行奠基典禮。商業經濟部，經雷麥教授整頓，極多發展。同學方面，每年允捐墨洋三千元，以三年爲限。實令學校當局，莫名感激也。

一九二〇年之後半，卜校長又因例假赴美。羅培德牧師代理校長之職。卜校長在美時，爲聖瑪利亞書院募集建築經費。

一九二一年（民國十年）四月四日，聘伊利教授爲文理科教務主任。此爲本校有教務主任之始。

是年又有新聞學系之組織，發行約大週刊，紀載學生事業，增進學生報學知識不少。

此外又有各方面之捐助。施肇基博士捐金一千磅，爲工程學系設備之用。本校醫生林嘉連博士，對於藥房及病院，亦慷慨捐助。西門夫人因其亡夫昔年在滬經商，對於約大事業，極爲贊成；慨捐銀五萬兩，爲建築校舍紀念其夫之用。學校議決俟聖瑪利亞書院遷居後，卽以此款添築中學校舍。

一九二〇年至一九二一年之間，華北大荒，教職員及學生中，有親往直隸等處擔任賑災工

作者。并分班輪流前往，成績甚偉，留校諸教職員，因兼任種種事業，忙碌亦倍于往時。

聖瑪利亞書院之遷移

約大與聖瑪利亞同時發展，決非同一地方所能容納。因議決募捐金十五萬元，為購地建屋之用。已于白利南路購得地產。惟因戰時材料昂貴之故，不得不緩期建屋。且捐款亦不敷用，幸伊利夫人在美，為聖瑪利亞盡力宣傳，又獲得捐款若干。

聖瑪利亞新屋落成。于一九二三年（民國十二年）九月中移居新屋。

一九二二年至一九二三年之間，重要事件甚多，擇其尤要者述之如左：

新科學館完工甚遲，殊非始料所及。一九二三年六月三十日，行畢業典禮時，同時舉行新科學館開幕禮。協和大學總辦胡恆德有演說。

國文部特聘孟憲承教授為主任。添聘教師，增高國文程度不少。

一九二二年二月，聘海施女士為圖書館長。任職四年，整理圖書事業，并訓練圖書館助理若干人。

施肇基博士又以政府公債金二千磅。捐與本校工程學系，因改工程學系之名為施肇基土木工程学院。

校中為鼓勵學生自治起見，于一九二三年，令學生組織自治會，各級皆有代表。



SEAMAN HALL
堂 門 西



SOCIAL HALL IN MEMORY OF SOO-NGOO POTT
氏 黃 人 夫 卜 念 紀 室 誼 交

校醫林嘉達博士任職二十五年，一九二四年辭職，甚爲可惜。校歌之一種，卽其所作也。社會學教授朱友漁博士，亦于是年辭職。

時註冊部事務亦煩，因請新聞學系武道先生，兼任註冊事務。

一九二四年，華東基督教大學聯合會，辦理暑期學校，在約大舉行。以宓亨利教授爲主任，辦理極善。

此一年中，學校所收贈款，可略如下述：洛克斐勒駐華基金委員會，允于五年之內，撥款銀三萬元，爲本校科學系之用。同時董事部撥款，亦有所增加。故本校科學部，更形鞏固矣。

一九一七年級，爲本校築日晷一架，以意大利花崗石爲之。

黃世美君，因其子在此讀書，贈與本校旗杆二根，以菲律賓硬木爲之，樹于圖書館前。

美京卡內基學院，及卡內基國際和平基金委員會，每年以其出版物，贈與本校。美國教會定期刊物出版會，每年允予價值美金一千元之書籍。

美國監督會最高會議議決，蓋勒牧師，及執行書記吳德博士，來本校參觀。同學會上海支會設筵款待。賓主盡歡。同學感激美人之助，可想見也。

一九二四年秋季，江浙有齊盧之戰。上海附近，亦生衝突。人民驚惶萬狀。聖瑪利亞在租界防線之外，尤爲危險。十月十三日，該校停課，令學生回家。其遠道回家不便者，均寄宿本校體育

室內。

中學新校舍

中學移居後，于一九二四年（民國十三年）十二月十三日，行正式開幕禮。校舍係就聖瑪利亞書院之思丁堂，增建校舍，成爲四方形，與前此中學相似。其款項來自西門夫人之五萬美金捐款，并建一膳堂，款則來自本薛斐尼婦女協會所捐之五千金美金基金。校舍因總稱爲西門堂。膳堂則稱爲萊氏堂。萊氏係本薛斐尼之主教也。中學此後，只辦高中，不辦初中。初中歸聖約翰青年會中學辦理。

不幸之變化

學年將終，遽生變化。當五卅案件發生于上海後，學生亟欲爲政治上之示威。學校方面，主張停課放假。因此學校與學生，發生誤會。國文部教員及多數學生，均謂學校有阻止學生愛國之意，退出學校，組織光華大學。是年之畢業典禮，亦遂取消。幸而同學會中人，均忠于母校。社會上亦知本校辦學之真宗旨，頗能予以諒解。九月間開學，人數雖較少，而忠于本校之人則更多也。

開學之後，卜校長赴美。校長職務，由伊利教授代理。學校因學費收入減少，由卜先生在美募集補助費。

國民軍革命之影響

一九二五年九月開學以後，本校逐漸恢復，前途又甚光明。此時國民黨在南方一帶，進行革命。一九二六年秋季（民國十五年）勢力已及武漢。一九二七年三月廿一日，及于上海。

校中當局以時局變化，提前放假。迨南京事件發生，學校當局恐一時局勢不定，外間或生誤會。因停辦大學及附中一年有奇。神學科及醫科高級，則仍上課。教員多紛紛回美，有繼續讀書者，有擔任教課者，頗不一致。

一九二六年，刁信德博士代理醫科主任。一九二七年，改任為該科正式主任。

丁卯學社之成立

本校教職員之在上海者，以大多數學生之輟學為憂，因與同學會代表商量，得其贊助。另賃房屋，辦理丁卯學社。推沈嗣良為主任。教員學生，皆與昔日約大無殊。惟設備不完，酬報甚薄。辦事者實具一番犧牲精神。蓋該校之財政，全係獨立，不受本校之助也。

丁卯學社辦理一年，程度甚好。故翌年學生轉學本校時，本校悉承認其學分。惟租屋困難，一年之中，三遷校址。當時任教職者有：

沈嗣良

羅道納

蔡正華

鮑愛璐

趙修鴻

金漢律

德愛濂

岑德彰

武道

趙紹鼎

藍博德

卜其吉

徐士浩

羅偉蓮夫人

傅以理

吳清泉

顧源和

楊文愷

沈嗣良夫人

强定漢

朱明之

王約瑟

鹿咸淩

傅師德

宋約瑟

朱海元

蔣梅笙

本校停辦之時，惟神學科學生及文華神學科轉學生，住居校內，共十四人而已。一九二八年（民國十七年）六月十六日，醫科有十三人畢業，在上海亞洲學會內，舉行畢業禮。

美國調查團之蒞止

學校停辦期中，美國派山福德牧師及吳德博士來華，調查上海漢口安慶各地狀況，并與各主教商量應付新環境之方法。

其中有一問題，即為約大改組問題提議中，有主張設立駐華董事會者。有主張以華人為副校長及教務主任者。皆經駐美董事會一一通過。第一次駐華董事會，在約大開會，時一九二八年（民國十七年）六月十四日也。

此項辦法，以行政權一大部分，交與華人。在校史中，實可重視。駐華董事會代表下列各團體：駐美董事會，上海教區大會，同學會，校務會，校長與會計為當然委員。此外並由各代表推選兩人加入，其人選如左：

FIRST BOARD OF DIRECTORS, 1928

會董校年七十國民



Back row: WM. Z. L. SUNG, F. A. COX, C. M. LEE, D. ROBERTS, ARCHIE TSEN.

Front row: DAVID Z. T. YUI, F. L. H. POTT, B. S. LIEU, M. P. WALKER, K. T. CHUNG.

Insets: C. T. WANG, T. V. SOONG, Y. M. CHIEN, W. P. ROBERTS.

章日余 良嗣沈 濟舫卜 私克客 樂克李 生鴻劉 納道羅 克華 良忠陳 托可鐘
廷正王 文子宋 銘永錢 德培羅

客克私牧師，李克東博士，羅培德牧師，代表駐美董事會。

陳宗良君，王正廷博士，鍾可託牧師，代表上海教區。

劉鴻生君，宋子文君，余日章博士，代表同學會。

沈嗣良教務主任，羅道納教授，代表校務會。

錢永銘君，由各代表推選。

卜舫濟校長，華克會計，當然會員。

學校之重整旗鼓

學校于一九二八年九月七日，重行開學。未開學之先，有暑期學校，爲學生補課，俾學生不致留級。

沈嗣良君，被推爲文理科教務主任。一九二九年一月一日，復被任爲第一次代理副校長。

西教員大半均回校服務，其不足者，則以安慶諸校教員補充；因該地學校，均暫時停辦故也。

一九二八年至一九二九年之間，大學學生共有二百三十四人。中學學生數目亦相仿。目下大學中學各有二百七十人。

本校重行開學之後，對於招收新生，抱嚴格主義。故大學學生，不得過四百人，中學學生，不得過二百五十人。人數較少，則師生間之接觸愈多，智識上之增加更速。此種較小之大學，對於

中國，貢獻必多，以所注重者，在質而不在量也。

五十周年紀念

本校最早之校舍，建築于一八七九年。辦學事業，直至一九二七年，未嘗中輟。今已五十周矣。校中于短時間中，恢復一切狀況，殊可喜也。

此一年中最可注意者，爲交誼室之建築。捐款最多者，爲本校董事會主席劉鴻生君，共捐四萬五千兩，其介弟劉吉生君，亦捐三千兩云。此室落成，殆可爲中國大學中著名建築物之一也。

校史篇幅有限，不能將贊助本校之人物，一一列舉。海內外人士，扶助本校，歷時或短或長，用力或多或少，不可勝紀。總之，若非人人熱心贊助，本校亦不能有今日也。

瀏覽本校五十年來教職員名單，有朱葆元，吳福基，張文廷，袁杏生，曹廷生，周貽春，郭承恩，顧子仁，金岳佑，何林一，林玉霖諸先生，皆教授英文有年。金聿修先生，教授國文，爲時亦久，學生頗尊敬之。此外有丁硯香先生，上海商界中之巨子，他人至於校名名之，亦在本校服務多年。今教職員中任事久而用力勤者，有蔡正華君，主張提高國文程度，至今不懈。周慶雲君，約大初辦時，在此肄業。司簿記亦歷三十二年。李翰綬君，畢業于一九〇九年，任秘書之職，垂二十年。現任本校幹事。



THE COLLEGE FACULTY IN 1929
 員教學大年九二九一



THE MIDDLE SCHOOL FACULTY IN 1929
 員教學中年九二九一

總觀過去五十年之歷史，吾人知合作之精神，實爲重要。此後駐美董事部，駐華董事部，及本校各同學，同心合力，以謀本校之發展，則前途必無荆棘可言。同時學校方面，自當力圖上進，以適應中國之新環境。俾畢業者，皆能有所樹立，以造福于邦家，而無忘本校「光與真理」之訓，則幸甚矣！



ANNIVERSARY HALL (LOW LIBRARY)

館書圖氏羅



SCIENCE LABORATORIES

室驗實科理

聖約翰大學圖書館概況

本校圖書館，創辦于四十年前，有中文書及神學書若干，簡陋之至。時卜先生適來長校，（一八八八年）圖書館即設于舊校舍中。其後懷施堂告成，即指定二樓西北角為圖書館。教會圖書館，本設于文主教住宅中，亦移至此室。復益以施主教所收藏之中國書籍。任館長者，為吳聿懷君，本校神學科第一次畢業生之一也。

一八九九年春，圖書館移至樓下，即在原室之下層。一九〇〇年秋間，文華大學圖書館長吳美利女士，因避拳亂，寓居本校。自行提議，欲為本校圖書館工作。工作之結果，為第一次印行圖書目錄，翌年出版。

一九〇四年，思顏堂落成，圖書館移至該屋樓下之西南隅。名之曰羅氏圖書室，以紀念紐約羅氏兄弟。其人捐助本校書籍甚多，羅氏之兄，曾任紐約市長，及哥倫比亞大學校長。

圖書館設在思顏堂時，每日開放七小時。上午九時至十二時，下午一時至四時，晚間七時至八時。星期六午後晚間，及星期日全日，除外。此時館中有西文書三千本，中文書一百九十函，共有一千〇九十本。

一九一一年，校中購得兆豐花園地畝。圖書館又移至今校長辦公處地方。館長為戴志騫君。即今日中央大學圖書館長也。開放時間，則每晚延長一小時。

卜校長任職二十五年，同學學生及卜先生之中外友人，捐款築一圖書館，稱爲紀念堂。一九一四年冬季勘地，一九一五年歲首，行奠定隅石禮。

新圖書館爲兩層房屋，樓上完全爲陳列圖書之用，計有三大間，南爲藏書室，北爲閱書室，圖書館辦事室，則在其中。估計可藏書三萬冊。藏書室採用公開閱覽制度，俾人人可以自由瀏覽書籍。藏書室及閱書室中，皆置有椅棹，學用使用參考書，極爲便利。閱書室四週，陳列重要參考書籍，及裝訂之雜誌。中間仍有隙地甚多，可爲百人閱讀之用。雜誌及新聞紙，皆陳列于此室內。圖書館中一部分之家具，則已故醫科學生韋君所捐助也。

一九一七年，美京卡內基學會，議決以約大圖書館爲該會會員之一。將所有出版書籍，一律送與本校。科學方面，獲益匪淺。一九二三年，卡內基國際和平基金會，又以所印行之歷史經濟國際法書籍，贈與本校圖書館。

自一九一五年以來，本校圖書館，即採用公開閱覽制度。雖其間有竊書隱匿參考書諸惡習，然利害相權，實利多而害少。學生隨時瀏覽書籍，其爲益實無窮也。

一九二二年二月，以海施女士爲圖書館長。此時英文書共有一萬一千八百冊，中文書共有八千冊，英文雜誌有八十種，中文雜誌有二十種。海施女士任職時，促進館中登記制度。凡欲借書者，須先填一空白請求單，方可有登記之數目。後此借書時，皆依此數目爲憑。新書目錄，



OLD GYMNASIUM

房身健前



COOPER MEMORIAL GYMNASIUM

室育體德斐顧

隨時發表，供人閱覽。

一九二二年十二月，羅氏圖書館又有一意外之收入。即美國教會定期刊出版會，議決于三年之中，以值價千金之書籍，贈與本校是也。一九二六年，該會又議決贈書三年。後此又議決延長贈書期限，至一九三〇年爲止。此時適值圖書館減政時代，不能多購書籍。該會之嘉惠士林，殊可感也。

羅氏圖書館共有三處分館，生物學化學物理學諸書，於一九二三年，移至新造之科學實驗室。另有館員司其事。一九二四年，西門堂完工後，又添設兩分館：圖書館樓下一室，專陳列神學科參考書籍；中學學生所用之書籍，則陳列于西門堂中，以省中學生往返之勞。

羅氏圖書館所收捐贈之書，各方面皆有。舉其著者：有兩江總督周馥，江南製造局，商務印書館，顏永京牧師，孟嘉德牧師，傑克生博士，湯森先生，顧斐德教授，紐約魯濱孫牧師，及已故徐燮元徐家驥兩先生。

羅氏圖書館中，尤多英法文拉丁文珍本書籍。名目已詳英文圖書館概況中，不備錄。如美國富翁摩干氏曾印有所藏中國瓷器目錄，當時僅印二百五十部。本校蒙其捐贈一部，實至可寶貴者也。

職員方面，則第一任館長爲吳聿懷牧師，前已言之。繼之者爲黃秉修，何林一，諸先生。後此爲

戴志騫先生，今日國中有名之圖書館學家也。一九一四年，戴君辭職，徐燮元君繼之，周曰庠君襄助其事。徐君學校派赴美洲，專攻圖書館學，以周君代理其職。徐君返國後，因身體孱弱辭職。由周曰庠任館長之職。一九二〇年，黃君維廉任館員，值周君多病，館事幾全由黃君負責。一九二二年，海施女士來華，任館長之職。一九二六年，海施返美，由黃維廉代理館長職務。上海圖書館聯合會于一九二四年成立，羅氏圖書館亦爲其中重要會員之一。一九二五年，全國圖書館聯合會組織就緒，羅氏圖書館亦行加入。

聖約翰大學運動概況

一八七八年至一九二九年

本校提倡新教育，得風氣之先，對於運動亦然。自約大獎勵運動以來，各校多聞風興起，注重體育。惟早年風氣未開，學生每不喜脫去長袍，從事競走。因此遂不得不採用強迫制度，規定運動時間。兵式體操，亦不過戶外運動之一種而已。當時除兵操外，并無其他運動比賽。約略言之，約大運動史可分三時期：一九〇〇年以前，一九〇〇年至一九二〇年，一九二〇年至今日。

一九〇〇年以前

本校創始于一八七九年，直至一九〇〇年，毫無運動事業，可以紀載。

一九〇〇年以後，運動狀況，亦僅得諸舊同學之口說。對於運動方面之組織，渙散已極。與外界之比賽，亦寥若晨星。然發展運動之根基，實于此時植之。教員與學生，往往同在一處遊戲，開拓學生之心胸不少。

最初之運動有名者，當為兵式體操。發起者為顧斐德教授。結果極為美滿。日下校中同門廳中之講台，即當時雨天教操之所也。每年畢業日，全體學生排隊操演，博得來賓之稱譽不少。他校亦多從而仿效之。約大學生，行時氣宇軒昂，易為人所認識，皆兵操之影響也。

當時校址甚小，自不能爲大規模之運動。然網球足球賽跑跳高，亦應有盡有。網球設在鐘樓前，足球在後操場，卽今日體育室所在也。田徑賽列在禮拜堂前，後改至蘇河沿岸。足球隊與外間略有比賽，其他無聞焉。

約大體育之發達，由于一八九五年有檀香山學生來此肄業，其人皆雅愛運動，同學受其影響不少。麥惠安，楊錦魁，曹延生，刁腓力，邱道生，皆當時運動界之健將也。顏福慶博士在校時，喜御自由車，亦當時絕無僅有之事矣。

一九〇〇年至一九二〇年

一九〇〇年諸生，爲最初愛好運動之一級，運動比賽時，有所謂全班精神者，卽起于是。從此各級互相比賽運動，產生優美之運動隊員，爲本校攫得無數錦標。其惟一勁敵，南洋公學是也。第一次聯合運動會，爲聖約翰大學南洋公學及中國青年會，其性質爲田徑賽。至約大與南洋之足球比賽，在遠東久享令譽，無異美國之哈佛與耶魯兩大學比賽也。一九〇四年四月二十三日，南洋東吳華英公學及約大，組織一中華大學聯合運動會。華克先生任秘書之職。不久教會各校，相率注意運動。一九一四年五月十五日，因有華東各大學聯合運動會之組織，加入者爲約大，南洋，東吳，之江，金陵，復旦，及東南大學。自一九一四年至一九二五年，每年皆有運動會。



FOOTBALL TEAM, 1902
隊球足年二〇九一



FOOTBALL TEAM, 1922
隊球足年二二九一



CHAMPIONSHIP TRACK TEAM, 1905

隊賽徑田年五〇九一



TRACK TEAM, 1926

隊賽徑田年六二九一



SOME TROPHIES WON BY JOHANNEANS

品 獎

最盛大之運動會，當推一九一一年在南京所開之運動會。其時南京適有勸業會，錦標爲約大所得。當時吾校網球隊、棒球隊，皆他人所望塵莫及者。一九一五年，中國始有籃球，亦由約大創之。校中曾有賽船隊之組織，後因蘇州河船隻過多，始取消。

第二時期之運動史，爲約大運動之最光榮者。錦標紛至沓來，不可勝紀。運動健將，亦層出不窮。最有名者，爲朱友漁、譚雅生、馬約翰、凌道揚、潘氏弟兄、韋氏弟兄、楊氏弟兄、高恩養、林祖光、袁禮、袁慶祥諸君。一九一三年，約大學生有代表往馬尼拉參加第一次遠東運動大會。中國共有三十六分，其中二十六分，皆爲約大所得。跳高與一百廿碼低欄賽跑，皆爲韋煥章所得。本校當時在運動界之成績，實由各教員熱心贊助。華克、施達格、薛勒、卜威廉、克力福、毛利大，皆其最著者也。

兵操方面，亦多整頓。兩江總督贈與本校來復鎗一百枝。訓練方面，則有巴買、巴登、高德、韋煥章、包達甫諸先生。辦事極爲認真，軍樂隊尤著聲譽。

一九二〇年至一九二九年

一九一九年秋季，紀念顧斐德之體育室落成，于是本校體育方面之設備，始臻完善。蓋前此獎勵運動員，致彼等荒棄學業，殊爲可惜。且全體學生之體質，亦未必有所進步。于是，一九二一年以後，實行二年強迫運動制度。戶內運動，予以提倡，以強學生身體。各種運動隊之組織，

仍舊保存。惟學生對之，稍形冷淡耳。然一九二一年實可謂本校運動史中最光榮之一頁。各大學比賽中，本校連勝三次，即足球籃球網球也。足球戰勝南洋，尤爲不易矣。

此後國內政治驟變，形響于運動方面者亦多。華東各大學聯合運動會發生爭執，本校及各教會大學，相率退出該會。該會至今尚在停頓中也。

一九二五年春，約大暫時停辦。秋季開學，到者亦不完全。運動事業，大爲減色。一九二七年之秋，又因政潮，停辦一載有奇。至一九二八年九月開學，決定運動事業，只限校內，不與外間比賽。年來本校厲行戶內運動及各班比賽，大多數之學生，均獲益匪淺也。

遠東運動會中，約大皆有代表。此種政策，似仍可繼續不變。校中籃球隊，曾往國外比賽，此殆國內僅有之事。吾人對於中國體育之前途，實希望有再大之貢獻也。

聖約翰同學小史

母校 聖約翰大學，適逢五十覽揆良辰，其校史已由卜校長細述一過。卜校長經營此校，歷時四十三年，始終無懈，欲明瞭校務之發達，可觀最近四十年來之概況。四十年前，校舍十所，皆低陋不堪入目。最大之建築，僅有正中校舍一所，爲課堂膳堂圖書館禮拜堂宿舍之用。此項校舍，僅費去一萬五千元，可謂廉矣。學生共有六十人；當時校址，僅佔蘇河「半島」之一部份。今則佔有「半島」之全部份，及對河之一大廣場，樹木葱翠宜人，房屋共有三十七所，學生有七百餘人，教職員有六十餘人。地價不計，祇就房屋而論，建築費已達六十萬兩，卽百萬元左右也。

學生 同學中之前輩，今多鬢髮皓然。大多數之同學，無不年富力強，熱心爲國家服務。昔年在校治學，覺各色人才，無不具備。有老爺派之少年，有頑狡之童子，有纨绔之子弟，有窮酸之寒儒。春秋佳日，放假出校觀人，人所著之衣，卽可想見其來源之異。往日多著藍袍，今則挺直西裝，與運動衣著，固已司空見慣矣。

新學生 開學之日，草場上往往見三五成羣，蹣跚游耍，則新舊學生之各行其是也。昔日開學之時，手推車人力車馬車，皆集于路。今則汽車紛紛而至，學生多有父母兄弟姊妹來送行者，其氣象更不同也。新來之人，對於校舍，茫無所知，往往張口作疑問狀，久之始尋得學監，所

派之房間；于是傭僕檢點行囊，高呼不已；學生之弟妹，則上樓下樓，視爲絕妙遊戲；終則分袂，又不免黯然傷懷矣。親友告別之後，獨坐書棹旁或床上，玄思冥想，或倚闌逸望空際，以度其寂寞之生活；眼見老學生成羣結隊，飲食談笑，此情此景，能勿有動于中乎？有時同房間人與之周旋數語，或一二膽量較大之新學生，與之交談，已屬難能可貴矣！不久往聚集所點名，聆得校長之宏論若干句，卽魚貫而入膳堂，肴饌紛陳，食之亦不得下咽也。夜間是否能立即熟睡，如在家之時，亦不可知矣。

翌晨聞鈴早起，七時半做禱告，禱告畢，用膳八時十五分上課，分課室。每日有課七小時，低級之課大率先上算術，後上英文課三小時，再上中文課三小時。有時誤犯校規，往謁校長，受一番之訓話，亦數見不鮮之事也。

三四十年前之學生入學狀況，真如上述。今則新學生年事較長，未入本校時，已有其他學校經驗，甚至入校時，校中已有熟識之人，故上文所言，不盡與現狀相符也。

近五十年來中國之變化極速，約大位于中國第一大商埠之上，其得風氣之先，自無足怪，然當局者之循循善誘，變迂腐爲文明，化蒙昧爲俊秀，其中甘苦亦多，不可不悉。青年人來自新家庭者，自易于感化；若舊家子弟耳濡目染，無非舊時禮教，除讀書外，不知其他教育。一日令其脫去長袍，奔走競逐，豈不難乎？又難而況科學之教授，新思想之灌輸，往往令學生之父兄，

STUDENT VOLUNTEER CORPS IN RECENT YEARS

軍 生 學 年 近



聞之駭怪，以爲其子弟在校，不過學得若干邪說與革命思想已耳。是以行畢業禮時，相率前來，欲一觀學校之究竟何若。

此數十年前之狀況也，今則學生方面，適與前此相及。往往謂學校思想太舊，不足以灌輸新知識，亦可見五十年來中國思想之變化矣。昔人惟冀科名發達，對於科學，棄之如遺。繼而見軍事方面，日用生活方面，皆非科學不爲功，于是始逐漸改變求學之觀念。最後對於最激烈之思想，亦欲一試，于是天下從此多故矣。

學校生活之甘苦（一）課室中之生活 每日上午七小時，晚間夜課一小時半，日復一日，成爲機械式的生活。在聰穎勤學之青年視之，上課亦非苦事，在程度較低及不用功之學生觀之，上課之難，難于上青天矣！每逢小考大考之時，學生率晨興而遲寐，少數學生，因留級數次而開除。大多數學生，則按步就班，升學卒業，洗滌身心，所獲不少也。

約大教授英文，最爲有名。吾華人學習英語，各地皆有缺點。一經約大陶鎔，無不讀音準確，學生在校內校外以及外洋各國，獲得褒獎者，不可勝數也。

至于每日三小時之國文，其初仍用舊法教授。學生往往暗中預備英文，後來國文教學法改良，此項事情，已不復見。改良國文教授法最力者，爲陳寶琪、孟憲承二君，皆本校之同學也。

（二）宿舍中之生活 除課室外，同學光陰，多消耗于宿舍中。祇有少數游耍之人，不常在宿

舍中遇見普通同學，則在房間中預備功課，游談笑樂，率以爲常。上午七時半做禱告，晚九時半就寢，當時頗已爲苦，今則知此項紀律，大有益于身心也。

宿舍中有瀏覽小說者，有奏中西音樂者，有食餅餌糖果者，有互談故事者，其生活殊樂。間有偷吸紙菸，携酒賭飲者，大率于熄燈後爲之。以此時學監正在黑甜鄉也。然有時夜間聞卜先生革履橐橐聲，則相約不作聲息，以俟此老人之過焉。

(三)運動場上之生活 當運動組織未發達之先，最經濟之大規模遊戲，厥爲「捉人」。此風來自博習書院，即今日東吳大學所目始也。其法分人爲兩隊，各有一大本營，最後離開大本營者，有在對方捉人之權。此項運動，注重腳步之敏捷，及方法之新奇。對于後此賽跑之風，甚有所助。至於棒球、門球、網球諸戲，僅略具雛形而已。運動會每年二次，在禮拜堂前舉行。

一九〇〇年以後，運動方面始有組織及比賽制度。第一次各大學比賽運動，約大攫取錦標以歸。當時運動場所，即在今日體育室附近。早操兵操，常有人不到或怠惰從事，因此記過者紛紛。甚有因此而被革除者。論者以爲來此讀書，非來此學操。然當時行畢業禮日，兵操之整齊嚴肅，令觀者生敬老同學中，必多記憶及之。

(四)禱告與禮拜 約大爲教會學校，故每日有禱告，星期日有禮拜及聖經課，非基督教徒之學生對之，其始以爲無趣，久亦安之若素，甚至謂有益修養不少者。



AN EARLY TROOP OF BOY SCOUTS AT ST. JOHN'S
軍生學之織組初最校本



ST. JOHN'S SCOUTS, 1929
軍子童年九二九一

昔日約大與聖瑪利亞，有同在一處及。禱告做禮拜之機會，雖中間垂簾相隔，然排隊入堂時，往往相遇，且簾隙窺人，時亦有之。兩方相晤，如新娘之遇新郎，彼此多紅暈于色。耶誕節及復活節前數星期中，練習唱歌。因聖瑪利亞學生知音樂，往往令其先唱以資引導，致惹起男性之不悅者，亦可見我輩強項之一般也。兩校之間，雖有短牆爲隔，視若長城，然婚姻好事，連篇累牘，書不勝書，自聖瑪利亞移居後，恩禮往來，遠遜于昔，禮拜亦由強迫改爲自由，真不勝滄桑之感矣！

（五）膳堂中之生活 飽讀書籍之後，飢腸轆轤，人之常情，矧青年好零食，尤爲不能免之公例。然菜少人多，量大者只可多食白飯，以開水醬油輔之耳。新生不知慣例，舉箸先置肉中，則他人多怒之以目，亦趣談也。有時菜蔬惡劣不合衛生，學生代表往謁學監，學監無法處置，則往謁校長，類此之事正多，卒因糾紛過多，聽學生負一部管理責任。

（六）同學與紀律 昔年數員對於學生，可用夏楚之刑，後來學生之孔武有力者，轉予數員以難堪，遂廢去不用。專用記過制度，每逢星期六下午，凡記過者，均須在指定一課室中報到，盤問數語後，卽就坐，自半小時至三小時不等。

星期六上午，卜先生例須查房間，學監隨之行。如有不整潔之處，或損壞物品之處，須由各該學生于本日之內，報告原委。亦有故意於他人棹上或床上爲惡作劇之事者，究屬不常見也。

(七)文壇之爭逐 約大學生以英文稱，其故有二：一爲英文演說辯論，一爲約翰聲之撰述。其練習演說，先撰稿，後背誦，夜以繼日，預備功課，不如是之勤也。其功效之大，可想見矣。

至于爲約翰聲撰述稿件，則搜枯腸，亦費時日，往來圖書館中，翻閱書籍，幾于無孔不入。某次某生奉命作一文，論開放門戶與勢力範圍圈。該生忽真于門戶上，大做其工夫，真可笑之甚者也。然而此種文場爭逐，辛苦備嘗，實足令同學之英文日進，出洋求學之志亦益堅也。

當時青年學子中擅長英文者，除香港皇家書院外，當以約大爲首屈一指。即不往外洋留學，其英文造就，已極可觀。往往可以佔居重要位置。卜先生提倡英文，俾國中人士，藉此吸收新知識，其功甚大。猶之杜夫之在印度也。前東吳大學校長文迺史先生，頗悔東吳用英文較遲，否則不致讓約大先著祖鞭矣。

(七)耶誕之慶祝 昔年學生僅有五十人時，英文部教員往往先問學生耶誕時需要何種禮物。飾聖誕老人散禮物者，則爲卜先生；購物者，則爲丁硯香。所謂丁買辦是也。禮物之中，有書籍文具，有棒球手帕等等，皆學生所指定者。丁買辦奔走于學校及學生家庭之間，攜帶食物及信札，善氣迎人，譽滿全校。後此改任學監，學生對之，大不如前矣。丁君讀英文，口音酷似校長。

繼而學校學生增至二三百人，禮物所費，亦屬不貲，不如充作有益之用。學生亦自願放棄權

利，以之買鞋襪給貧人。後此且自動捐款，買衣散與四隣貧苦之人，真能知聖誕節之精神矣。此外又演劇作樂，詼諧之言語，悲壯之情節，俱足令同學至今不忘也。

畢業典禮 昔時爲遵從中國習慣起見，畢業典禮，于舊歷新年前舉行。後來風氣大開，始改在陽歷六月底典禮中，有閱操，英文戲劇，學生演說，來賓致辭，給獎，給憑等等。最後始給學位。來賓中有各界名流及學生戚友。

一九〇〇年，畢業者祇有三人。其後逐漸增多。約大爲學校中首先實行兵操者，亦爲首先演英文劇者；當時所演，大率爲莎士比亞劇本中最有精采之諸段。畢業班中，有被舉登台讀中英文論說者。此外來賓中，有被請演說者，某次一西人演說謂「中國猶在睡夢中」其時適有上海道在座，幸彼不諳英文，故充耳如不聞矣。

後約大在美註冊，發給學位學生。家長視子弟在約大讀書，爲莫大榮譽。且畢業生處處可得優美位置，往往求過於供。因此校長竭力籌畫大學部之發展，每年畢業有五六十人之多。同學會之就織 吾國學校之有同學會，約大實樹之風聲。約大之有同學會，始于一九〇〇年。會員僅五十人，今則有千餘人矣。

其始同學會對於學校捐助甚少。如懷施堂之造成，上海士紳方面，共捐四千兩而已。一八九八年，上海士紳及上海同學，爲科學館，共捐一萬五千美金。一九〇一年，上海同學及上海商

人捐助七千美金，以建築思顏堂。其中有同門廳一所，以紀念同學。一九〇七年，校中買地十四英畝，爲運動場之用。同學方面，捐助一萬元。一九〇八年，建築思孟堂，同學共捐七千美金。一九一一年，因國中發生革命，欲購吳家宅地而未得。及至卜校長任職二十周紀念時，同學捐二萬元，爲建築圖書館之用。顧斐德教授逝世，同學捐三萬五千兩，爲建築顧斐德紀念體育室之用。此一九一七年事也。籌畫交誼室時，同學會擔任一萬兩。其後有兩同學，各認捐五萬兩。一九一五年畢業同學，捐助五百兩，爲該室器具之用。一九二〇年，同學中之在商界者，捐三千兩，津貼本校商業科。施肇基先生，捐一千鎊，爲工程館購物之用。此外施君又捐二千鎊，政府公債目下同學正募集十萬基金，以紀念五十周年大典。同學對於母校情感之濃，可見一般矣。

約大同學會在上海，天津，北平，首都，漢口，杭州，甯波，等處，俱設有支部。有時歐美人數衆多時，亦有支部。往日介乎同學會與母校之間者，有所謂校務諮議會議。今則學校董事部中，有同學代表，如余日章，劉鴻生，宋子文三君，皆傑出之才也。將來同學會能于學校經濟方面，擔任重大部份時，學校當完全由同學辦理矣。

同學之事業 約大學生來自各方面。上海爲通商巨埠，富商子弟來此者固多。即政學各界之家庭，亦多遣其子弟入此肄業。其始入約大者，無非欲求若干英文知識，以便在商界治事。

其後始多藉英文求高深知識。出洋求學者紛紛。此種求學之心，亦在約大時薰陶之效也。
據歷年統計觀察，同學之分配，可如左：

一	教育事業	二百人
二	商界	二百人
三	醫學界	八十人
四	政界	一百人
五	宗教及社會事業	三十人
六	工業界	二十人
七	其他事業	七十人
八	研究高深學術者	八十人

共計七百八十人

觀此可知同學在各方面工作之廣大，若言其實在狀況，則不得不舉出若干姓名，以爲佐證。
教育方面，有胡文甫、吳任之、顏明慶之與南洋公學，張文廷、袁杏生之與澄衷學堂，史悠明之與格致書院，胡溶康之與浙江高等師範學校，郭承恩、曹延生之與華童公學，曹錫庚之與英華書院，朱樹翹之與上海青年會中學，瞿同慶之與聖約翰青年中學，蘇穎傑之與上海民立

中學，皆其彰彰較著者也。湖南湘雅醫科之發達，完全由于顏福慶之功。一九〇八年美國退還一部分庚子賠款，辦清華大學，主持其事者，如黃佐廷，周詒春，嚴鶴齡，曹雲祥，趙國材，何林一諸君，皆約大同學。嚴恩樞任留美學生監督，歷六年之久。孟憲承在無錫，戴志騫在南京辦教育，均爲全國知名之士，顏福慶現任中大醫學院院長。

工商業方面，有何積蕃，張嘉甫所辦之列豐行，劉鴻生，劉寶餘，吳清泰所辦之上海水泥公司，朱成章，黃宏道，何林一所辦之中國旅行社，林桂慶，徐志誠之中華工業廠，天津王建所辦之華北硝皮廠，漢冶萍公司之事業，吳任之，郭承恩，金岳佑，黃錫賡，黃錫恩，程義法，皆與有力焉。甯紹輪船公司經理袁履登，絲業中楊奎侯，棉業界王啓宇，陳詩豪，施調元，廈門自來水公司林全誠，南洋兄弟煙草公司華昌貿易公司瞿寶文，福中公司徐維榮，皆商業上知名之人。至于銀行界中，則有武棣申，黃明道，蔣柯亭，卓鏞詩，朱成章，周詒春，徐閏全諸人。郭承恩現任上海兵工廠廠長云。

約大醫科，創立甚早，人才亦衆，如顏福慶任中大醫學院院長，牛惠霖，牛惠生已行醫，刁信德，古恩康，胡蘭生，韓麟徵，服務同仁醫院。謝喬其在北平中央醫院，廖超照在廈門大學，李清茂治眼科，曾君辦理防疫事業，蕭智吉亦行醫，皆有名于藥醫界者也。

民國肇興，約大同學之活動于政界者，亦人才濟濟，顏惠慶，顧維鈞，皆曾任內閣總理及外交



THE GATE, 1929
門 校 時 現

總長。施肇基刁腴力，皆出任公使，此外外交界有嚴鶴齡唐悅良刁敏謙，財政界有宋子文，工商部有吳任之，皆曾居要職。史悠明曹雲祥張履鼇周玉清張祥麟皆歷任使領；胡文甫任法官，幾及十五年；謝永森亦久在法界負盛譽。凌道揚及張福良，則爲林業專家。錢懌亭唐石頑李植藩陳守庸，則服務于鹽政署。翁綬春現任蘇關監督，在海關服務，已二十年。工程方面，如薩福均孫嘉祿張文廷黃閔道黃純道姚家壽郭先桂韋頌冠王承祖毛文鐘韋昭章倪兆春陳天驥王錫藩，亦皆爲國家効力者也。

社會宗教事業，亦多約大之人。三十年前，上海始有青年會。其章程卽爲約大同學所譯。此後發展極速，各地皆有青年會。任事最力者，如曹錫庚余日章顧子仁，皆約大同學。傳教最力者，有朱葆元浦化人沈子高董選青。此外有鍾可託湯忠謨朱友漁諸人，皆極熱心于社會宗教事務。

此外有種種事業，不可以類分者：如葉子衡譚雅聲之與萬國體育會，陳孚卿之與開灤售品處，朱榜生之執行律師事務，關頌聲楊寬林顏連慶之與建築工程，張竹平之與申報，汪伯奇兄弟之與新聞報。程趾祥之與時報，無一不貢獻特多，爲世稱道。以上所舉，掛一漏萬，實緣篇幅所限，不能詳舉。無名英雄，正不知有幾許也。

結論 五十年以前，施主教創辦聖約翰大學，實抱定「知識卽權力」之宗旨辦學。此後發揚

而光大之者，實維卜舫濟校長。任事四十三年，始終如一，三十年前畢業者三人，今則每年畢業者有五十人左右。同學對於母校之熱心贊助，日甚一日。對於社會之服務，亦應有盡有。約大爲中國教育，樹之先聲；同學亦能創造各種新事業，以爲人類造福，校訓爲「光與真理」，諸同學實能以堅苦卓絕之精神，傳播真理，發揚校光。此後五十年中，正國中勵精圖治之時，同學之貢獻，必更偉大。吾人不禁馨香禱祀以求之矣！